



BOSNIA AND HERZEGOVINA MINE ACTION CENTRE

Broj: JN1/03-50-5-26-1/23
Sarajevo, 09.11.2023. godine

Na osnovu tačke IV stav.1 Odluke o osnivanju Centra za uklanjanje mina u Bosni i Hercegovini («Službeni glasnik BiH» br. 15/02 i 44/16), člana 61.stav (2) i 101. stav (2) Zakona o upravi («Službeni glasnik BiH» br. 32/02, 102/09 i 72/17) i na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama («Službeni glasnik BiH», broj 39/14 i 59/22), na preporuku Komisije za javne nabavke (u daljem tekstu: Komisija) broj: JN1/03-50-5-26/23 od 30.10.2023. godine, v.d. direktor Centra za uklanjanje mina u Bosni i Hercegovini- BHMACE (u daljem tekstu: Ugovorni organ), donosi:

ODLUKU

o izboru najpovoljnijeg ponuđača u postupku javne nabavke usluge
LOT 1 – Izrada i održavanje mobilne aplikacije

Član 1.

(Predmet Odluke)

Prihvata se Preporuka Komisije broj: JN1/03-50-5-26/23 od 30.10.2023. godine i ugovor za javnu nabavku materijala **LOT 1 – Izrada i održavanje mobilne aplikacije** (platforme Google Play, App Store i AppGallery) dodjeljuje najpovoljnijem ponuđaču:

Page d.o.o Istočno Sarajevo za ponudenu cijenu u iznosu od **4.273,50 KM** bez PDV-a, odnosno **5.000,00 KM** sa PDV-om.

Član 2.

(Dostavljanje dokumentacije)

Izabrani ponuđač je dužan u roku od tri dana od dana zaprimanja ove Odluke dostaviti original ili ovjerene kopije onih dokumenata koje nije dostavio, a koji su traženi u tenderskoj dokumentaciji (član 45.stav 2. Zakona).

Član 3.

(Prijedlog ugovora)

Prijedlog ugovora dostavit će se na potpis izabranom ponuđaču u skladu sa članom 72. Zakona o javnim nabavkama BiH.

Član 4.

(Objava Odluke)

Ova Odluka objavit će se na web-stranici BHMACE-a, www.bhmac.org, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

(Stupanje na snagu)

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

OBRAZLOŽENJE:

Postupak javne nabavke pokrenut je Odlukom o pokretanju postupka javne nabavke broj: JN1/03-50-5-26/23 od 26.07.2023. godine.

Obavještenje o nabavci je objavljeno na Portalu javnih nabavki broj: 1407-7-2-23-3-32/23 od 11.10.2023. godine.

Javna nabavka je provedena putem konkurentskog zahtjeva za nabavku usluge izrade i održavanja aplikacija i web portala, ista je podjeljena na tri LOT-a i to LOT 1 – Izrada i održavanje mobilne aplikacije (platforme Google Play, App Store i AppGallery), LOT 2 – Izrada i održavanje backend softverskog rješenja za administriranje mobilnom aplikacijom, LOT 3 – Izradu web portala BHMACH-a.

Procijenjena vrijednost nabavke za LOT 1 iznosi 4.273,50 KM bez PDV-a, za LOT 2 iznosi 3.846,15 KM bez PDV-a, za LOT 3 iznosi 4.700,85 KM bez PDV-a.

Kriterij za dodjelu ugovora je najniža cijena kao što je predviđeno tačkom 13. predmetne tenderske dokumentacije.

Rješenjem broj: JN1/03-50-5-26/23 od 11.10.2023. godine imenovana je Komisija za nabavku usluge izrade i održavanja aplikacija i web portala koja je provela predmetni postupak.

Krajnji rok za dostavljanje ponuda je bio 26.10.2023. godine u 11:00 časova, a javno otvaranje ponuda je izvršeno istog dana u prostorijama Centra za uklanjanje mina u BiH na adresi Kasindolska 192, sa početkom u 11:30 časovai što je konstatovano Zapisnikom sa otvaranja ponuda broj: JN1/03-50-5-26/23 od 26.10.2023. godine, a u istom je utvrđeno da je za **LOT 1** do roka koji je određen za dostavljanje ponuda tenderskom dokumentacijom, pristigle jedna blagovremena ponuda ponuđača **Page d.o.o Istočno Sarajevo, Zmaj Jovina br.7 71123 Istočno Sarajevo.**

Takođe, konstatovano je:

- nije bilo neblagovremeno pristiglih ponuda, i
- nije bilo prisutnih predstavnika ponuđača.

Dostavljanje Zapisnika sa otvaranja ponuda broj: JN1/03-50-5-26/23 izvršeno je istog dana, neposredno nakon otvaranja ponuda.

Nakon izvršenog otvaranja ponude i čitanja cijena navedenih u obrascu za cijenu ponude, Komisija je pristupila analizi dokumentacije priložene uz ponudu u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

U skladu s tačkom 6. predmetne tenderske dokumentacije, planirano je provođenje E-aukcije. Obzirom da je zaprimljena samo jedna prihvatljiva ponuda, ne zakazuje se E-aukcija.

U skladu sa navedenim Komisija jednoglasno daje preporuku Direktorima da donese Odluku o dodjeli ugovora za nabavku usluge LOT 1 – Izrada i održavanje mobilne aplikacije (platforme Google Play, App Store i AppGallery) za potrebe Centra za uklanjanje mina u BiH ponuđaču: Page d.o.o Istočno Sarajevo, sa ukupnom ponudenom cijenom u iznosu od 4.273,50 KM bez PDV-a, odnosno 5.000,00 KM sa PDV-om.



Komisija za javnu nabavku je direktoru dostavila Zapisnik o pregledu i ocjeni ponuda o ocjeni ponuda s preporukom o izboru najpovoljnijeg ponuđača broj: JN1/03-50-5-26/23 od 30.10.2023. godine. U postupku ocjene provedenog postupka, direktor nije našao nepravilnosti, niti propuste u radu komisije, koji bi predstavljali osnov za neprihvatanje preporuke Komisije za javne nabavke.

Dakle, u postupku je ocijenjeno da je Komisija pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Obzirom na navedeno, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke u skladu sa članom 99. i 101. Zakona. Žalba se podnosi u dovoljnom broju primjeraka, a koji ne može biti manji od tri.

v.d. Direktor
Emis Horozović

